



MBRE IBESI BEKYE DASEGYE MA DAYE DE NKOMBODZI ARA

Eregye dase ye erosom. Akwan horow a yedua do dze som no botum ama hen akwan piinara a yebotum akye hen dasegye wɔ Asɔr mu nye nkombodzi mu.

Yεabɔ anohoba de “[yebe]gyina de Nyankopon N’adasefo aber nyina wɔ adze nyina mu, wɔ ginyinabew biara a [yε]wɔ mu no mu” (Mosiah 18:9). Yerekye hen dasegye no kā yerigyina de adasefo na ɔyε kwan a ɔyε ndam a yedua do to nsa fre Sunsum Krɔnkrɔn no ma Ókā obi n’akoma Osesā hɔn abrabɔ.

President M. Russell Ballard, Asomafo Duebien hɔn Quorum no ne President Ananmugyinanyi no kāa de, “Dasegye—dasegye ankasa a, Sunsum no ye ne farbaa, na Sunsum Krɔnkrɔn no si no pi no—sesā abrabɔ.¹

Naaso yerekye hen dasegye no botum ayε akomatudze anaa dza hen mu binom ho mmbaa hen wɔ ho. Bia obotum ayε de yedwen de yerekye hen dasegye no ye dza yeε no wɔ akɔnkye na dasegye nhiyamu ase anaa ber a yerekyere adzesua bi. Dem ginyinabew horow no wɔ asɔrfi mu no yekā nsɛmfua na kasasin horow bi a wɔnntaa nnkā no nkombodzi mu.

Yerekye hen dasegye botum ataa abeye hen na binom so hɔn abrabɔ mu nhyira ber a yetse ase de yebotum akye dza yegye dzi no wɔ daa daa nkitahodzi mu a ne ye nnyε dzen. Adwenkyere kumaa a ɔbɔboa wo ma ahyε ase nye yi:

Mma Mma Ḍonye Kyinkyinenn.

Onnhia de wɔbekā kasasin yi ahye dasegye ase, "Mepē de megye me dase," nna onnhia so de wɔbekā, "Wɔ Jesus Christ dzin mu, amen," dze ewie. Dasegye nye yerekā dza yegye dzi na yenyim de ɔye nokwar. Ntsi se enye wo fipamnyi ridzi nkɔmbɔ wɔ stiitsi mu a ɔfa nsenhia bi a ɔwɔ mu na ekā de "Minyim de Nyankopon ye mpaabɔ tsiefo na Obema ho mbuae a," ɔno botum aye dasegye a ɔye ndam tse de ma wɔakyε no wɔ asenkādaka no do wɔ asor. No tum no mmfi kasa no a ɔakyew ho akā no, mbom ofi Sunsum Krɔnkrɔn no a osi nokwar ho pi no (hwε Nkyerɛkyere na Ahyemudzi 100:7-8).

Ma Ḍonye Nkɔmbɔdzi no Nsaa

Se yepe de yekye a, yebena akwan pii a woe-twa hen ho ehyia a yedze hen dasegye no behye daa daa nkɔmbɔdzi mu ma Ḍonye no asaa. Mfatoho:

- Se obi bisa fa wo dapen ewiei ho nsem a. Wo mbuae "Oye enyigye ara yie," "Nna Asor no nye dze mihia ara."
- "Se obi kā de due, "Oye me yaw dodow," ber a ɔatse w'abrabo mu ɔhaw bi a. Wo mbuae: "Meda wo ase de edwen mo ho. Minyim de Nyankopon bɔhwε me ma medua mu. Oaye bi ama me pen."
- Obi kā de: "Mowɔ enyidado de wimu a aye kusuu yi ɔnnkekyer na ɔadan," anaa "Boos no akyer dodow," anaa "Hwe ma traffic yi esi akyerdo." Bia ibobua de "Mowɔ enyidado de Nyame bema biribiara ewie yie."

Kye Wo Sūahu horow

Yetaa nye henho dzi hen haw ho nkɔmbɔ. Se obi kā dza worihyia ho nsem kyere wo a, bia ibotum aye ber bi a Nyankopon boaa wo wɔ wo nsɔhwε horow mu na agye dase de Obotum aboa hɔn so. Ewuradze ase de Ohye hen dzen wɔ hen nsɔhwε ber mu "ama hom egyna aye adasefo ama me ndaamba, na ama hom ehu nokwar no de Emi, Ewuradze Nyankopon, mesera mo nkɔrɔfo wɔ hɔn amandzehu mu" (Mosiah 24:14). Yebotum egyni aye adasefo ama No ber a yegye dase wɔ mbre Osii boaa hen wɔ hen nsɔhwε horow ber mu ho.

Ye Ahoboa

Naaso yerekε hen dasegye mpofirmu ara no botum aye akomatudze ama hen mu binom. Akwan

wɔ hɔ a yebotum edzi kan aye ho nhyeheyε na "Hom nsiesie homho daa de [ye]beyi ano akyere obiara a obisa [hen] enyidado a ɔwɔ hom mu no ase" (1 Peter 3:15).

Odzi kan, yereye ahoboa botum akyere mbre yesi abɔ hen bra. Ana yeroto nsa afre Sunsum Krɔnkrɔn no aba hen abrabɔ mu na yerudua daa daa tsenenee abrabɔ do ahye henankasa hen dasegye dzen? Ana yerudua mpaabɔ na kyerewsem nsüae do yeama Sunsum no kwan ma Ḍonye hen akasa na Oama hen nsemfua a yehia a? Tse de ma Ewuradze tuu Hyrum Smith fo no, "Mma mmper nnhwewhε de ebekā m'asem no, na mbom dzi kan per hwehwe de ibanya m'asem no, na nkyii wobe-sian wo tekyerema (Nkyerɛkyere na Ahyemudzi 11:21).

Otsiā ebien, ereye ahoboa botum aye de erohwe kan na esusu akwan horow a ibotum enya no da no anaa dapen no mu dze akyε wo dasegye. Ibotum adwendwen akwan horow ho a bia wobotum ama wo kwan ma akyε dza egye dzi ho dze aye ahoboa.

Tsim wɔ Agyenkwa no na Ne Nkyerɛkyere Do.

President Ballard kyerekyere de, "Yebotum enya ndzemba pii ho dasegye de Asormba dze, naaso nokwar fapem binom na ohia de ber biara yekyerɛkyere henho nkorkor na yekye." De mftaho horow no, ɔbɔbɔ dza odzi do yinom no: "Nyankopon nye hen Egya na Jesus nye Christ no. Nkwagye ho nhyeheyε no tsim Agyenkwa no No Werdambɔ no do. Joseph Smith na ɔdze Jesus Christ daapem asempha nsanananmu no bɔbɔ adze, na Mormon Nwoma no ye adansedze de hen dasegye no ye nokwar." Ber a yekā nokwar yinom a yetse no akoma mu no, yeto nsa frε Sunsum no ma Ogye dase de dza yeakā no ye nokwar. President Ballard tsii mu kā de "wonnkotum esianka Sunsum no ber a wɔagye Christ ho dasegye krɔngyenn no."²

Agyenkwa no Ne Fasusu

Agyenkwa a nna Ḍabere wɔ Ne Samaria akwantu mu no, gyinae de Orohom wɔ bura bi ho na Ohyiaa ɔbaa bi wɔ hɔ. Ohyεε nkɔmbɔdzi ase a ɔfa erotow nsu efi bura mu ho. Odze dwumadzi yi a ɔbaa no ye no daa daa no, maa Jesus kwan ma Ogyee dase faa nkwa nsu na onnyiewie nkwa a ɔwɔ hɔ ma hɔn nyinara a wɔagye No dzi no ho (hwε John 4:13-15, 25-26).

Dasegye a ɔnnye Kyinkyinenn no Botum Asesā

Abrabɔ

President Russell M. Nelson akā nees bi ho asem a wowiee ɔperehian bi a no mu yee dzen ye no, obisaa aber no Dr. Nelson asemvisa. “Den ntsi na nntse de adatserfo nkaa no?” Adatserfo binom a onyim hɔn no tum nya ebufuhyw na wɔkā efifisem ber a wɔreye ɔperehian a ɔye dzen tse dem no.

Nkye Dr. Nelson botum ama mbuae wo akwan horow mu. Naaso ɔkā no sin ara de, “Osiande minyim de Mormon Nwoma no ye nokwar.”

No mbuae no kenyaan nees no nye no kun ma wosūaa Mormon Nwoma no. Ekyir no President Nelson numaa nees no. Mfe-du pii ekyir no, ber a President Nelson a ɔahye no Osomafo fofor na orohwe stake ehyiadzi do wo Tennessee, USA no, ohyiaa nees yi ara bio enyigye mu a nna enyi nnda. ɔkāa ne nsakyeree ho asem a, oduaa ne dasegye sin ara no do na Mormon Nwoma ne nhiedo do, a wɔaboa asakyer nkɔrɔfo 80 binom so no.³

Nsato de Wɔbeyε Biribi

Mma nnsuro de ibekye wo dasegye. Obotum aboa hɔn a esom hɔn no. Ibesi den dze adwenkyere yinom anaa ɔwoara wo dze edzi dwuma dze akye dasegye nde?

“Erosom ho fapem” nkyerewee no bɔboa hɛn ma yesūa mbre yebesi bɔhwɛ hɛnho nkorkor—ɔnnye amandzeεbɔ nsem a yerekye. Se yeba bohu hɔn a yesom hɔn no yie a, Sunsum Krɔnkɔn no bekenyan hɛn ma yeehu asem a wobehia dze akā hɛn tsema na ayamuhyehye ndzeyε ho.

KYΕ WO SŪAHU

Hom mfa hom som ho sūahu horow anaa binom a wɔasom hom no ho sūahu mbre hɛn. Kɔ *liahona.lds.org* na click “Submit an Article or Feedback.”

NSENSIN

1. M. Russell Ballard, “*Pure Testimony*,” *Liahona*, Oberefew 2004, 40.
2. M. Russell Ballard, “*Pure Testimony*,” 41.
3. Jason Swensen, “*Be Ready to Explain Your Testimony Using the Book of Mormon, President Nelson Says*,” *Church News* section of *lds.org*, Kwakwār 6, 2018, *news.lds.org* mu.